

Öдгä цагин хальмг түүкин тускар

(Чилгчнь. Эклцнь урдк номерт).

Негдвәр болхла, советин йосн батрад хөрн джил болсна хөөн ончн күүкн ягдад тинм халәмдж уга болджахнь, күүкнә зовлньгинь оln юнъгад эс үзджәхинь, бәәрн газрин Советин кōдлächр тер Шаккаг ямаран учрар эс хōрджәхнь медгдхш. Булгъна бәәдлин тускар автор иигдж келдж: «Деернь үмсдг хувцна тускар келәд керг уга. Салврха, то уга халаста күйт — үвлин халх. «Бийнь болхла» — Шаккан мухла, Шаккан уурин зог. Мухла писн үг орсар **раб** гидж орчулгдна. Булгън — Шаккан мухла (рабыня). Эннь ил. Сургъуль уга, харнъгъу Булгън Шаккан мухлаллгънд даргдад, тахшдж одсн, энүнәсн талдан бәәдл-джиргъл хәәдж чигн бәәхш, Шакка угагъар, сулдан, эврәннь сансар бәәггәд, оlnа джиргълд багтдж болдгинь медджәхш. Иигәд, ганцарн эджго арлд бәәх Робинзон метәр өсәд, арвн дола кӯрнә. Юн чигн хаджгър* йовдлг юмна түрүн болдж үздг, хурц нүдтә, серлтә-седвәртә селәнә комсомол альд бәәсн болхв? — гидж бас сурдж болхми. Өлзәт күүкнә нег цөөкн бүлән үг кенә нерн деерәс келгдджәхнь бас медгдхш. «Бичә, Булгън, юмнас а, бидн чини үүрмүдвдн, чамаг эврәннь зергләнд авхар седжәнәв-

дн» гидж келсн үгин үтхнь медгдхш. Кенә зергләмб? Өлзәт комсомолин вожак гихлә, дегд тоомср, тогтур уга күүкн, терүнд комсомол даалгъвр өгч гидж бас иткдж болшго.

Им халәмдж угагъар өсәд, арвн дола кӯрхләнь Булгънас бидн салнавдн. Даки хойр джил онъгрснә хөөн харгъхла; Булгън колхозин кōдлмшт орлцдг болдж, болв Шакка кезәнък кевтән цокад, хувцинь шуулад, амндан орсарн му келәд йовна. Эн Булгъна арвн йистә цагнь.

Негә дакдж «би багъчудла» амдан өвснә бригадт гарч бәәнә гидж келснәс кōлтә Шакка гемтнә. Тегәд Булгън гертән үлднә.

Булгън өмн герә көвүндән дурта, энъкр сән эк чигн болдж чадхми, залудан сән килмджтә герин эзн чигн **б о л д ж ч а д х м н**. Зуг Булгъна сән седклиг серл-сегәнә сургъмджин аш гидж болшго. Булгън бийән дегд хөвдән даалгъсн, кишхөвиннь, джиргълиннь төлә нолддж чаддо, **нирвана зокалар** бәәдг кӯн.

Булгъна өслтд ик оlnа дōнь, сургъмдж кергтә, эс гидж үүрмүдәсн икәр хоцрсндан, харнъгъу кевтән үлдхми (болв, арә бичдг дасн тоочин курст орхар бәәнә!). Булгъна өслтиг учринь олдж эс үзүлхлә, иткл тату болм бәәдлтә.